

Nova purschida da curs: introducziun en l'e-banking

La BCG e la Pro Senectute porschan curs gratuits per senioras e seniors

Cuira, ils 25 da favrer 2019 – La Banca Chantunala Grischuna (BCG) e la Pro Senectute Grischun porschan dal mars fin il matg 2019 en tshintg lieus en il Grischun curs gratuits davart il tema e-banking.

La BCG s'engascha activamain sco partenaria da la Pro Senectute Grischun a favur da las senioras e dals seniors. Dapi il 2006 sustegna ella curs e cussegliaziuns e promova uschia l'indipendenza e la qualidad da viver en la vegliadetgna.

Utilisar l'e-banking a moda simpla e segira

Las personas interessadas emprendan en quests curs pussaivladads d'applicaziun nizzaivlas en connex cun l'e-banking da la BCG. Ultra da quai survegnan ellas infurmaziuns areguard il diever da l'[app da mobile banking da la BCG](#) ed areguard ils avantatgs da las variantas da pajar senza daner contant. Cun questa savida pon ils participants s'infurmar da tuttas uras ed independentamain dal lieu davart lur conto e far lur pajaments a moda cumadaivla e segira.

Ils curs da duas uras cumenzan mintgamai a las 16.00 ed han lieu sco suonda:

lieu	data	s'annunziar fin ils
Flem Hotel Bellevue, Via Nova 66	21 da mars 2019	11 da mars 2019
Tavau Plaz Arabella Hotel Waldhaus, Mattastrasse 58	4 d'avrigl 2019	25 da mars 2019
San Murezzan Hotel Schweizerhof, Via dal Bagn 54	18 d'avrigl 2019	8 d'avrigl 2019
Scuol Hotel Belvédère, Stradun 330	25 d'avrigl 2019	15 d'avrigl 2019
Cuira Auditori da la BCG, Engadinstrasse 25	2 da matg 2019	23 d'avrigl 2019

Curs d'approfondaziun per utilisaders da l'e-banking

Il curs d'approfondaziun cumenza a las 9.00 e dura duas uras e mez.

lieu	data	s'annunziar fin ils
Cuira Scola-club Migros, Gartenstrasse 5	9 da matg 2019	29 d'avrigl 2019

Suenter ils referats envidain nus ils participants cordialmain ad in apéro. La participaziun è gratuita. Annunzias per ils curs èn da far a la suandanta adressa: Pro Senectute Grischun, telefon 081 252 75 83, per e-mail a kurse@gr.prosenectute.ch u sin gkb.ch/prosenectute.

Ulteriuras infurmaziuns davart la purschida da curs: gkb.ch/prosenectute u www.gr.prosenectute.ch.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 1009 collavuraturas e collavuratur (stadi dals 31.12.2018). En il chantun Grischun cun sias numerus vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185.1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	4 da matg 2019
Rendaquint semestral 2019:	25 da fanadur 2019
